

cum ob alia perpetrata scelera, tum etiam præcipue ob idolorum cultum (c) tantas in Erythræo mari (d) exsolvisse pœnas, ut eorum nullus, aquarum præcipitatis cumulis, evaserit; utut Israelitarum vestigiis imminentes in adversum littus eos abiisse lætos cernerent. (e) Supplicii autem præsentis a summa Majestate vindice Ægyptiis inflictæ, ac mandati adeo brevi cepit populum oblivio, ac tanta fuit ejus pertinacia, ut Mose ad Deum regresso, Aaronem ex auro

ido.

*ut rem incertam lectoribus obtrudat. Nodum, inquit, mihi non solvunt Chronologi, qui cum agnoscant seriem Ægyptiorum admodum turbatam esse, vix aliquid certi constitui potest de Regibus illis, ut nominatim cuique assignari possit, quod in hac historia narretur. Itaque præstat indefinite de Regibus istis, quandoquidem Moses noluit, aut potius Spiritus S. in illo impiorum illorum Regum nomina posteritati aperire, in Comment. Exod. p. 762. conf. Osiandr. in Exod. p. 7.*

(c) *Sic Rabbinæ notant, submersionis causam extitisse etiam idololatriam apud Buxtorff. in Lex. Talm. Rabbin. sub voce גררה.*

(d) *quod a vicino populo ejusq. Rege potius, Hebræis ארץ אדום, quam a colore ita dicitur. Doctus. ad Anglum Fuller. Miscell. Sacr. l. 4. c. 20. p. 549--588. Sixtin. Amam. Antib. Bibl. p. m. 286.*

(e) *Volunt equidem Eruditi & imprimis Rabbinorum filii, quod Israelitæ per modum semicirculi ingressi mare fuerint, & ad idem littus se receperint: sed rationes eorum non sunt tantæ, ut populum hunc revera mare transisse pernegemus. Evolve, si lubet, Rivetum in Exod. p. 937. Osiandr. l. c. p. 138. Bonfret. in Exod. p. 417. Ludovic. de Tena qui Complurensis olim Theol. Professor, in Comment. Hebr. p. 573. seqq. Bened. Pererium Jesuitam Hispanum Romæ, ubi etiam Anno Christi MDC X diem suum obiit, in collegio olim S. litteras profitentem, in Exod. p. 478. locum hujus transitus apud Ichthyophagos habet & describit ex Diodor. Sicul. Bochart. Phaleg. pag. 319.*